



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

Broj: 01/20-02-732/26-1  
Sarajevo, 09.04.2026.godine

PREDSTAVNIČKOM DOMU  
PARLAMENTA FEDERACIJE BiH

n/r gosp. Ivana Miličevića, sekretara Predstavničkog doma

Komisiji za izbor i imenovanje  
n/r predsjednika  
n/r sekretara

**PREDMET: Odgovor na zastupničko pitanje, veza Vaš akt broj: 05/1-02-189/26**

Dana 03.04.2026. godine Komisija za informisanje Predstavničkog doma Parlamenta Federacije Bosne i Hercegovine zaprimila je Vaš akt broj: 05/1-02-189/26 radi dostavljanja odgovora na zastupničko pitanje koje je postavio Sanel Kajan, zastupnik u Predstavničkom domu Parlamenta Federacije BiH, a koje se odnosi na pokretanje procedure imenovanja novog člana Upravnog odbora RTV Federacije BiH s obzirom na činjenicu da Zoranu Krešiću, članu Upravnog odbora RTV Federacije Bosne i Hercegovine, uskoro ističe mandat.

Postupajući po članu 116. stav 3. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Komisija podnosi sljedeći odgovor:

Dana 11.03.2026. godine Komisija za informisanje Predstavničkog doma je na svojoj 8. redovnoj sjednici<sup>1</sup> zauzela stav po ovom pitanju i očitovala se povodom pravosnažne drugostepene presude Kantonalnog suda u Mostaru kojom je utvrđena odgovornost Zorana Krešića za objavljivanje neistinitih, tendencioznih i obmanjujućih informacija, te smatra da je neophodno preuzimanje lične i profesionalne odgovornosti, uključujući i razmatranje ostavke. S obzirom na činjenicu da Zoranu Krešiću uskoro ističe mandat člana Upravnog odbora RTV Federacije BiH, Komisija za informisanje traži od Parlamenta Federacije BiH i nadležnih radnih tijela, odnosno Komisija za izbor i imenovanja da pokrenu postupak izbora novog člana Upravnog odbora RTV Federacije BiH u skladu sa članom 25. Zakona o Javnom servisu Radio-

<sup>1</sup> Izvještaj/Izvješće Komisije/Povjerenstva za informisanje broj: 01/20-02-732/26-1 od dana 11.3.2026.g.

*Almedina Bulić*  
10.04.2026



televizije Federacije Bosne i Hercegovine ("Službene novine Federacije BiH", broj 48/08), a koji glasi:

## Član 25

### Izbor, imenovanje i razrješenje Upravnoga odbora

- (1) Parlament Federacije imenuje članove Upravnoga odbora s rang-liste kandidata koji su ušli u uži izbor (u daljnjem tekstu: rang-lista), a koju mu dostavljaju komisije za izbor i imenovanja oba doma Parlamenta Federacije u roku od 30 dana od dostavljanja rang-liste. Komisije za izbor i imenovanja provode pravičan, otvoren i transparentan postupak izbora, koristeći se standardima i rokovima opisanim Zakonom o ministarskim i drugim imenovanjima, imenovanjima Vijeća ministara i drugim imenovanjima Bosne i Hercegovine u cilju odabira najkvalificiranijih kandidata. Postupak za sačinjavanje rang-liste kandidata koji su ušli u uži izbor Komisije za izbor i imenovanja započinju četiri mjeseca prije isteka mandata članovima Upravnoga odbora.
- (2) Za članove Upravnog odbora ne mogu biti imenovani:
- a) nositelji dužnosti u zakonodavnoj, izvršnoj i sudskoj vlasti, na bilo kom nivou vlasti,
  - b) članovi tijela političkih stranaka,
  - c) zaposleni u Radio-televiziji Bosne i Hercegovine, RTVFBiH i Radio-televiziji Republike Srpske i Korporaciji,
  - d) zaposleni u drugim firmama koje obavljaju djelatnost radijskog ili televizijskog emitiranja, uključujući i agencije koje prikupljaju RTV taksu, članovi njihovih uprava ili nadzornih odbora, ili lica koja obavljaju poslove zbog kojih bi moglo doći do sukoba interesa.
- (3) Parlament Federacije ima ovlaštenje donijeti odluku o razrješenju člana Upravnog odbora u slučaju da član sam zatraži razrješenje, tri puta neopravdano izostane sa sjednice Upravnog odbora ili u periodu od tri mjeseca ne sudjeluje u radu Upravnog odbora. Upravni odbor je obavezan obavijestiti Parlament Federacije o navedenim okolnostima i na taj način pokrenuti postupak razrješenja.
- (4) Parlament Federacije ima ovlaštenje donijeti odluku o razrješenju člana Upravnog odbora na preporuku Regulatorne agencije ukoliko član Upravnog odbora nije ispoštovao uvjete iz dozvole sistema i/ili dozvole RTVFBiH.
- (5) Parlament Federacije nadležan je za donošenje odluke o razrješenju Upravnog odbora u slučajevima kada Regulatorna agencija ustanovi da Upravni odbor nije ispoštovao uvjete iz dozvole sistema i/ili dozvole servisa što je dovelo do ozbiljnog kršenja ili narušavanja interesa ili prava bilo kojeg od konstitutivnih naroda ili ostalih, te u slučajevima ponovljenog ili nastavljenog narušavanja ili kršenja. U slučaju da je Upravni odbor razriješen u skladu sa ovom odredbom, provodi se postupak imenovanja u skladu sa odredbom stava (1) ovog člana.
- (6) Parlament Federacije može razriješiti Upravni odbor u cjelini ili svakog člana pojedinačno



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

ukoliko se na osnovu izvještaja utvrdi da u svom radu krši zakone Bosne i Hercegovine, zakone Federacije, ili se utvrdi loše i nesavjesno poslovanje.

Očekujemo da će Parlament Federacije Bosne i Hercegovine uzeti u obzir sve navedeno i pokrenuti izbor novog člana Upravnog odbora RTV Federacije BiH u skladu sa zakonskim procedurama i rokovima.

S poštovanjem,

Dostaviti:  
- Naslovu  
- Službi Predstavničkog doma  
- a/a.



ZAMJENIK PREDSJEDNIKA KOMISIJE  
Haris Šabanović, s.r.